

Ala xa masenyi Eburu bɔnsɔɛ bɛ

Masenyi nde yi Kitaabui xa fe ra

Kabi dunjɔna sa daa, Alatala na a xa seriye masenfe adamadie bɛ. Namijɔnmɛ xungbee naxa Ala xui mɛ, e fa na dentege sa mixie bɛ. Iburahima, Isiyaga, Yaxuba, Yusufu, Munsa, Yosuwe, Dawuda, Sulemani, Esayi, nun Esidirasi, nee birin findixi mixi binyee nan na Ala naxee rawalixi alako a xa seriye xa kolon, a xa seɛbe Kitaabui kui. A dɔnxɔɛ ra Ala naxa a xa masenyi nde so Annabi Isa yi ra, naxan findixi a xa Mixi Sugandixi ra dunjɔna birin bɛ.

Isa fatanxi Eburu bɔnsɔɛ nan na alɔ namijɔnmɛ dangixie. A naxa na seriye birin natinmɛ alɔ Ala nu wama a xɔn ma ki naxɛ. Kɔnɔ Ala nu bara masenyi neene nde so Isa yi ra, Eburu bɔnsɔɛ mu nu naxan kolon sinden. Na masenyi mu Ala xa seriye singe matandixi de, a a rakamalixi nɛ.

Singe ra Ala nu bara saate xiri a tan nun adamadie tagi, kɔnɔ yunubi keren gbansan nu nɔma na saate kanade, mixi fa lɔɛ. Isa to fa dunjɔna ma, Alatala naxa saate neene xiri a tan nun adamadie tagi, naxan nɔma yunubie xafaride, mixi fa nɔ kisode.

Singe ra Ala nu bara serɛxɛdubɛɛ ti a tan nun adamadie tagi, e xa findi mixie xa saabui ra. Kɔnɔ e to nu findixi adamadie ra, e fan naxa yunubie raba alɔ booree, e naxa faxa. Na kui, e mu findi saabui fanyie ra. Isa to fa dunjɔna ma, Alatala naxa a ti a tan nun adamadie tagi, a naxa findi dunjɔna saabui fanyi ra. Yunubi yo mu nu na a ma. Faxɛ mu nu nɔma a makankande. Na kui, Ala naxa a xa fe ite, a xa dunjɔna yamari sa keli Ala yirefanyi ma, a magoroxi dennaxɛ.

Singe ra Ala nu bara a masen mixie bɛ a e xa xurusee ba serɛxɛ ra e xa yunubie xa fe ra. Na naxa adamadie bɔɲɛ raxara dondoronti, kɔnɔ a mu nɔ e xa yunubi xafaride yati yati. Isa to fa dunjɔna ma, Alatala naxa a yamari a xa a yetɛ ba serɛxɛ ra dunjɔna bɛ. Na kui, adamadie xa yunubie naxa xafari, mixie naxa kisi sɔtɔ naxan mu kanama abadan.

Na birin a masenxi nɛ a Ala Isa xɛɛxi nɛ alako a xa a xa seriye rakamali, a findi kisi ra bɔnsɔɛ birin bɛ. Xibaaru fanyi nan na ki. Ala xa na raso won bɔɲɛ kui, won xa fahaamui sɔtɔ na ma, a a findixi kisi nan na won bɛ. Amina.

Ala xa masenyi Eburu bɔnsɔɛ bɛ

Ala xa xεera

¹ Temui dangixi Ala naxa masenyi ti won benbae be namipɔnmɛe saabui ra. A na raba nɛ sanmaya wuyaxi, a na raba nɛ ki wuyaxi ra. ² Kɔnɔ yakɔsi, naxan findixi waxati dɔnxɔe ra, Ala a xa masenyi ti won be a xa Di saabui ra. A bara a xa Di findi dunipa ke tongoma ra, a dunipa daa a xa Di nan saabui ra. ³ Yi Di findixi Ala xa nɔre tofanyi nan na, a findixi Ala misaali yati nan na. A dunipa bun tima a xa masenyi senbema nan na. A to ge yunubie xafaride, a naxa a magoro Ala Nɔre Kanyi yirefanyi ma ariyanna kui.

⁴ Na kui, a tide dangi malekee ra, a xili fisamante nan sɔtɔ. ⁵ Ala mu a masenxi maleke yo be,

«N ma di nan i ra,

to n bara findi i Baba ra.»

A mu a masenxi maleke yo be,

«N tan findima a Baba ra,

a tan findima n ma di ra.»

⁶ Ala to a xa Di fisamante ramini dunipa, a naxa a fala,
«Ala xa malekee xa a batu.»

⁷ A a masenxi malekee xa fe ra,
«Ala xa malekee luma nɛ alɔ foye,
a xa walikɛ luma nɛ alɔ tɛ.»

⁸ Kɔnɔ a a masenxi nɛ a xa Di xa fe ra,
«Ala, i xa mangɛ kibanyi buma nɛ abadan.
Tinxinyi nan findixi i xa mangɛya tɔnxuma ra.

⁹ Tinxinyi nan nafan i ma.

Naaxupa mu rafan i ma fefe ma.

Na nan a toxi, Marigi, i Marigi Ala bara i sugandi seewe kui.

I findixi fisamante nan na dangife i booree ra.»

¹⁰ A man a masenxi nɛ,
«Marigi, i bara dunipa ti a fɔle ra,
i tan nan koore daaxi.

¹¹ Koore nun boxi fama kanade,

kɔnɔ i tan buma nɛ abadan.

E forima nɛ alo dugi.

¹² I koore nun bɔxi mafindima nɛ
alo donma mafindima ki naxɛ.

E fama nɛ masarade alo sose masarama ki naxɛ.

Kɔnɔ i tan mu masarama,
i xa fe mu ɲɔnma abadan.»

¹³ Ala mu a masenxi malekɛ yo bɛ,
«I xa dɔxɔ n yirefanyi ma,
han n xa gɛ i yaxuie ragorode i sanyi bun ma.»

¹⁴ Malekɛ tan findixi Ala xa walikɛ nan na, fate mu na naxee bɛ, a naxee xɛɛma
kisi ketongoe malide.

2

Ala xa sɛrɛxɛ

¹ Won xa won ɲengi sa na masenxi xɔn ma a fanyi ra, won naxan mɛxi, alako won
naxa kira bɛɲin. ² Ala xa masenxi senbɛ nu gbo, a nu bara naxan so malekɛ yi ra.
Adamadi naxee na matandi, e naxa sare xɔrɔxɔɛ sɔtɔ. Xa nee sa sare xɔrɔxɔɛ sɔtɔ, ³ won
tan go? Xa won kisi xungbe rabolo, won ma fe fa luma di? Won Marigi yati nan singe a
masenxi won bɛ, mixi naxee a xui mɛxi e fan bara findi na seedee ra. ⁴ Ala bara e xa
seedɛɲɔxɔya fari isa tɔnxumae ra, fe magaaxuxie, kaabanako mɔoli birin, nun bupae ra
Xaxili Sɛniyenxi naxee fixi e ma a waxɔnki.

⁵ Ala mu mangeya fima malekɛ ma tina e xa dunija yamari, muxu dunija naxan
xa fe falafe wo bɛ yi ki. ⁶ Yi seedɛɲɔxɔya sɛbɛxi Kitaabui kui:

«Munse lanxi adama ma,
i to i mapɔxunma a xa fe ma?
Munse lanxi adama xa di ma,
i to i ɲengi sama a xa fe xɔn ma?

⁷ I bara a ragoro malekɛ bun ma waxati dondoronti kui.

I bara dariyɛ nun binyɛ fi a ma,

⁸ i bara se birin lu a sanyi bun ma.»

Na kui, Ala to se birin sa a xa mangeya bun ma, sese mu na a mu naxan

yamarima. Kɔnɔ won mu se birin toma a xa mangeya bun ma sinden. ⁹ Won munse toma? Ala naxa Isa ragoro malekee bun ma waxati dondoronti kui, kɔnɔ Isa xa faxe naxa findi xunnakeli nun binye ra a be. Na kui, Ala naxa hinne won na, a Isa faxa adamadi birin joxoe ra.

¹⁰ Ala nan se birin daaxi, se birin na a tan nan be. A man wama adamadi gbegbe xa so a xa nore kui. Na kui, a nu lanma a xa e Rakisima xa fe rakamali toore ra. ¹¹ Naxan adamadi raseniye nma, nun naxee raseniye nxi, e birin fatanxi Baba keren nan na. Na kui, a mu yaagi e xilide a ngaxakerenyie. ¹² A naxa a masen, «N i xili masenma ne n ngaxakerenyie be, n i matoxoma ne jama tagi.» ¹³ A man naxa a masen, «N nan n ma lanlanteya sama Ala nan ma.» A man naxa a masen, «N na be, muxu nun die Ala naxee fixi n ma.»

¹⁴ Na die to findi fate nun fase ra, Isa fan naxa a yete misaali e ra, alako a xa no Ibulisa xun nakanade a yete xa faxe saabui ra. Faxe senbe nu na Ibulisa nan yi ra. ¹⁵ Isa naxa a yete misaali a ngaxakerenyie ra alako a xa e ratanga faxe xa gaaxui ma e xa dunipeigiri kui, naxan luxi alo konyiya. ¹⁶ A na birin naba Iburahima bonsoe nan malife ra, a mu a raba malekee xa be. ¹⁷ Na nan a toxi a naxa a yete maniya a ngaxakerenyie ra, alako a xa no serexedube kuntigi wali rabade kinikini nun tinxinyi ra Ala be, a fa findi jama xa yunubie xafarima ra. ¹⁸ Isa fata mixie malide e xa maratantanyi kui, barima a fan maratantanyi nun toore kolon ne.

3

Isa nun Annabi Munsa

¹ Na kui, n ngaxakerenyi seniye nxi, wo tan naxee xilixi ariyanna ma, wo xaxili xa ti Isa ra, Ala xa xera nun a xa serexedube kuntigi, won danxaniyaxi naxan ma. ² A tinxin ne Ala be, naxan nu bara a ti na wali ra, alo Annabi Munsa fan a rabaxi ki naxe Ala xa banxi kui. ³ Isa xa binye dangi Munsa gbe ra, alo banxiti xa binye dangixi a xa banxi ra ki naxe. ⁴ Banxi birin tixi mixi nde nan saabui ra, kɔnɔ Ala nan dunipa birin daaxi. ⁵ Annabi Munsa findixi konyi dugutege nan na Ala xa banxi kui, alako a xa seedejoxoya ba masenyi xa fe ra naxan fama tide. ⁶ Kɔnɔ Ala xa Mixi Sugandixi findixi Ala xa Di dugutege nan na, naxan Ala xa banxi yamarima. Won tan fan findixi na banxi nan na, xa won lama Isa ra, xa won won xaxili tima a ra, na nan findixi won ma matoxoe ra.

⁷ Na na a ra, wo xa wo jengi sa Ala Xaxili Seniyenxi xa masenyi xon ma. A seɓexi,

«Xa wo bara a xui rame to,

⁸ wo naxa wo kobe raso a ra,

alo wo a rabaxi ki naxe gbengberenyi ma.

Na temui a nu wo matofe ne,

konɔ wo naxa a matandi.

⁹ Menni wo benbae bara kata e xa n mato.

E naxa n ma wali to je tongo naani bun ma.

¹⁰ Na kui, n naxa xonɔ na waxati mixie ma.

N naxa a fala, «E boje makuya n na temui birin,

e mu n ma seriye kolon.»

¹¹ Na na a ra n naxa n kali xone kui,

«E mu soma n ma malabui kui feo!» »

¹² N ngaxakerenyie, wo xa meeni wo yete ma a fanyi ra alako wo boje naxa lu paaxupa nun danxaniyatarepa kui, wo fa gbilen Ala foxo ra, Ala naxan na na. ¹³ Loxo yo loxo wo xa wo bore ralimaniya. Wo xa gbilen na ma loxo birin alako yunubi naxa fa wo no, wo boje fa balan Ala mabiri. ¹⁴ Xa won sa won xaxili tima Ala xa Mixi Sugandixi ra alo won a foloxi ki naxe, lanyi bara lu won nun Isa tagi. ¹⁵ A seɓexi Kitaabui kui,

«Xa wo bara a xui rame to,

wo naxa wo kobe raso a ra,

alo wo a rabaxi ki naxe wo to a matandi.»

¹⁶ Nde Ala matandi, e to ge a xui ramede? Mixie xa mu a ra naxee mini Misira boxi ra Annabi Munsa saabui ra? ¹⁷ Ala xonɔ ne ndee ma je tongo naani bun ma? Mixie xa mu a ra naxee yunubi rabaxi, e fa sonto gbengberenyi ma? ¹⁸ Ala a kali nde be a e mu soma a xa malabui yire? Mixie xa mu a ra naxee a matandixi? ¹⁹ Na kui, won bara a fahaamu a e xa danxaniyatarepa nan a niya e mu so.

4

Malabui danxaniyatsee be

¹ Ala xa laayidi, a naxan tongo won be sofe a xa malabude, na mu kanaxi. Wo xa

fe birin naba alako sofe na malabude kui a naxa kana wo be. ² Won bara na xibaaru fanyi me alo booree a mexi ki naxe, konɔ a mu sese fanxi e ma e xa danxaniyatareɓa xa fe ra. ³ Konɔ won tan naxee bara la a ra, won fama ne sode na malabude kui. A sebexi na xa fe ra,

«N to xɔnɔ e ma, n naxa n kali,
e mu soma n ma malabude.»

Konɔ Ala xa wali bara ɓɔn kabi dunɓa fɔle, ⁴ barima a sebexi Kitaabui kui na lɔxɔe solofere nde xa fe ra,

«Lɔxɔe solofere nde Ala xa wali naxa kamali. A naxa a malabu.»

⁵ A man sebexi Kitaabui kui, «E mu soma n ma malabude.»

⁶ Ala nu bara a janige mixi ndee xa so a xa malabude kui, konɔ na mixi singe naxee na xibaaru mexi, e mu so e xa danxaniyatareɓa xa fe ra. ⁷ Na nan a toxi Ala bara lɔxɔe gbete sugandi naxan findixi to ra. Na fe singe to bara dangi a xɔnnakuye ra, Ala man naxa a masen Dawuda saabui ra,

«Xa wo bara a xui rame to,
wo naxa wo kobe raso a ra.»

⁸ Xa a sa li Yosuwe nu bara malabui fi e ma nu, Ala man mu nu lɔxɔe gbete xa fe falama nu. ⁹ Han ya malabui luxi Ala xa jama be e mu naxan sɔtɔxi sinden. ¹⁰ Naxan soma Ala xa malabui kui, a a malabuma ne a xa wali birin ma, alo Ala malabuxi a xa wali kui ki naxe.

¹¹ Won xa fe birin naba sofe ra na malabui kui, alako mixi yo naxa bira tantanyi kui alo Isirayilakae a rabaxi ki naxe. ¹² Ala xa masenyi senbe gbo, a walima mixi ɓɔɓe ma. A xaapen dangife santidegema de firinyi ra. A soma won ɓɔɓe nun won sondonyi nan kui, a so won sɔɔra nun won nadɔxɔdee xɔn. A won sondonyi waxɔnfe nun mapɔxunyi birin makiiti. ¹³ Nimase yo mu nɔma a nɔxunde Ala ma. Ala fe birin toma ne, fe birin dentege fama sade a tan nan be.

¹⁴ Isa, won ma serexedube kuntigi xungbe, Ala xa Mixi Sugandixi, a to so ariyanna kui, won fan xa bira won ma danxaniya fɔxɔ ra won bara naxan makenen. ¹⁵ Won ma serexedube kuntigi won ma senbetareya kolon, a kinikinixi won ma na nan ma. Sentane naxa kata a ratantande mɔoli birin na alo won tan, konɔ a mu a nɔ. ¹⁶ Na na a ra, won xa won maso a xa hinne kibanyi ra lanlanteya ra, alako won xa kinikini nun hinne sɔtɔ a temui.

Isa won ma serɛɛdube kuntigi

¹ Serɛɛdube kuntigi birin tongoxi adamadie nan ya ma, a fa ti Ala xa wali ra adamadie be, alako a xa hadiya nun serɛɛ mooli birin ba yunubie xa fe ra. ² A mixie xa fe kolon naxee na dimi kui, e loxi, barima a fan na e ya ma, a tantanma. ³ A xa senbetareya a niyama ne a xa serɛɛ ba a yete xa yunubie be, a nun jama xa yunubie xa fe ra.

⁴ Mixi mu noma yi binye sotoɗe a yete ra, fo Ala a xili alo a Haruna xili ki naxe. ⁵ Ala xa Mixi Sugandixi fan mu serɛɛdube kuntigi binye soto a yete xa ra. Ala nan a fixi a ma, a falafe ra,

«To i bara findi n ma di ra.

N tan fan bara findi i Baba ra.»

⁶ A man sebexi Kitaabui kui,

«I bara findi serɛɛdube ra abadan,

Melekisedeki mooli.»

⁷ Isa bara a xui ite Ala maxandi ra a xa dunipeigiri kui, a bara a makula, a na wafe. A na raba ne barima a a kolon a Ala nan nu noma a ratangade faxe ma. Ala bara a xa duba suxu, barima a nu bara tin lufe a xa yaamari bun ma. ⁸ Isa findixi Ala xa Di nan na, konɗo na kui a naxa a matinkan fo a xa Ala rabatu hali na findixi toore nan na a be. ⁹ Isa xa fe to kamali, a naxa findi saabui ra a mantonyie birin xa abadan kisi soto. ¹⁰ Ala naxa a ti serɛɛdube kuntigi ra Melekisedeki daaxi.

¹¹ Fe gbegebe na na kui muxu wama naxan masenfe wo be, konɗo na tagi rabafe xoroɗo, barima wo mu soma fee kui mafurenyi ra. ¹² A nu lanma wo xa findi karamoɗo ra yi waxati, konɗo han yakosi wo hayi na karamoɗo nde ma naxan wo xaranma Ala xa masenyi singee ra. Wo mu fata fe tilinxi fahaamude sinden, alo diyore naxan mu fata sube donde, fo a xa xipe min sinden. ¹³ Mixi naxan hayi na Ala xa na masenyi singee ma, a mu gexi tinxinyi kolonde, a mu moxi a xa danxaniya kui. A luxi alo diyore naxan xipe gbansan minma. ¹⁴ Konɗo mixi naxan moxi a xa danxaniya kui, naxan bara ge tinxinyi nun tinxintareya tagi raba kolonde, a noma ne xaranyi tilinxi fan kolonde. A tan luxi alo xemoxi naxan baloma sube fanyi ra.

Ala xa seriye tilinxi

¹ Na nan a toxi won lanma won xa siga yare ma Ala xa Mixi Sugandixi xa xaranyi kui. Won xa dangi na masenyi singee ra, won xa so fe tilinxie kui. Na masenyi singee nan ya: wali jaaxi bepinfe naxan mixi xaninma yahannama, ² danxaniyafe Ala ma, xunxafe ye xɔɔra, belexe safe mixie ma, kelifa faxe ma, nun Ala xa kiiti donxɔɔ. ³ Xa Ala tin, won xa siga yare ma won ma xaranyi kui.

⁴ Mixi naxan bara ge Ala xa naiyalanyi tode, naxan bara Ala xa ki nemunnemun, Ala Xaxili Seniyenxi bara lu naxan be, ⁵ naxan bara a kolon a Ala xa masenyi fan, naxan bara Ala senbe kolon naxan fama rawalide waxati naxan sa fama, ⁶ xa a sa li na mixi mooli bara danxaniya bepin, a mu noma tuubide sonon. A luxi alo a man bara Ala xa Di mabanban wuri magalanbuxi ma, a fa a rayaagi jama ya xori.

⁷ Boxi naxan bara tune ye soto a fanyi ra, a fa sansi ramini a kanyi be, Ala baraka ragoroma ne a ma. ⁸ Kono boxi naxan tunbe nun jooge tun naminima, na boxi mu fan. A gbe mu luxi a xa danka, a raponyi a fa gan.

⁹ Muxu xanuntenyie, hali muxu xa woyenyi xoxoxo, muxu bara la a ra wo na kira fanyi nan xon, naxan findi kisi kira ra. ¹⁰ Ala tinxin, a mu neemuma wo xa wali ma. A wo xa xanunteya kolon, wo naxan masenxi wo xa wali kui a xili ra, a nun wo naxan masenxi seniyentoe be. Han ya wo na na wali nan kui. ¹¹ Muxu wama ne wo xa wo tun nabexi na birin kui han a raponyi, alako wo xa fe soto wo wo xaxili tixi naxan na. ¹² Wo naxa wo tun naxono. Wo xa bira danxaniyatoe xa misaali foxo ra, naxee ke sotoma Ala naxan laayidixi e be. E na sotoma e xa danxaniya nun e xa tun nabexi nan saabui ra.

¹³ Ala to laayidi tongo Iburahima be, a mu no a kalide fe nde ra naxan gbo a be. Na na a ra, a naxa a kali a yete ra, ¹⁴ a falafe ra,

«N baraka sama ne i xa fe. I bonsoe wuyama ne.»

¹⁵ Iburahima to ge mame tide, Ala naxa a xa laayidi rakamali a be. ¹⁶ Adama a kalima fe nde ra naxan gbo a be. Na marakali senbe fima ne a xa woyenyi ma, alako mixi naxa no na matandide. ¹⁷ Na nan a toxi, Ala fan naxa a rakali alako mixie, na laayidi tongoxi naxee be, e xa a kolon Ala xa nate mu masarama. ¹⁸ Ala naxa na laayidi tongo, a man naxa a rakali, alako won xa no limaniya xungbe sode. Wule yo mu na na fe firinyi kui. Won bara fe birin nabolola a xa fe ra, won fa won xaxili ti a ra. ¹⁹ Mixi xaxili tife Ala ra, a

luma ne alo hanga naxan banbanxi ye bun ma. Won fan won xaxili tima Ala ra na ki ne naxan na a xa hɔrɔmɔlingira kui dugi gbakuxi xanbi ra,²⁰ Isa soxi dennaxe won ya ra, a xa findi won ma serexedube kuntigi ra abadan, alo Melekisedeki.

7

Serexedube Melekisedeki

¹ Melekisedeki nan nu na Salamu mange ra, a man nu findixi Ala Xili Xungbe Kanyi xa serexedube nan na. Iburahima to ge mange ndee xun nakanade, Melekisedeki naxa sa naralan a ra, a duba a be. ² Iburahima naxa farile fi a ma. Melekisedeki xili fasarixi yi ki «mange tinxinxi.» A man nu findixi Salamu mange nan na, naxan xili fasarima yi ki «bɔɲesa mange.» ³ A baba mu kolon, a nga mu kolon, a xa taruxui mu kolon. A xa simaya foloxi temui naxe, a nun a ɲon temui, na fan mu kolon. Na kui, a luxi ne alo Ala xa Di, naxan findixi serexedube ra abadan.

⁴ Wo a mato Melekisedeki tide nu gboxi ki naxe. Hali won baba Iburahima, a naxan soto a wasaso se ra, a naxa na farile fi a ma. ⁵ Ala xa seriye a falama pama xa farile so Lewi bɔnsɔe yi ra, naxan findixi serexedubee ra. Na pama fan kelixi Iburahima bɔnsɔe ne, e findi Lewi ngaxakerenyie nan na.

⁶ Kɔno Melekisedeki tan, hali a to mu nu na Lewi bɔnsɔe xa taruxui kui, Iburahima naxa farile so a yi ra. Melekisedeki naxa duba Iburahima laayidi kanyi be. ⁷ Birin a kolon mixi naxan dubama a boore be, a tide gbo na kanyi be.

⁸ Lewi xa mixi naxee farile rasuxuma, e faxama ne, kɔno Melekisedeki tan mu faxaxi. ⁹ Na kui, a luxi ne alo Lewi, naxan luma farile rasuxu ra, a nu bara farile fi Melekisedeki ma Iburahima saabui ra, ¹⁰ barima Lewi bɔnsɔe nu na a benba Iburahima fate i, a naralan Melekisedeki ra temui naxe.

¹¹ Xa a sa li fe birin nu noma kamalide Lewi bɔnsɔe xa serexedubeɲa saabui ra nu, pama Ala xa seriye sotoxi naxan na, e hayi mu nu na Melekisedeki xa serexedubeɲa ma nu, naxan mu fatanxi Haruna bɔnsɔe ra. ¹² Serexedubeɲa na masara, yaamari fan xa masara.

¹³ Yi masenyi birin falaxi mixi naxan ma fe ra, a kelixi bɔnsɔe ne serexedube mu na bɔnsɔe naxe. ¹⁴ Birin a kolon a won Marigi kelixi Yuda bɔnsɔe ne. Annabi Munsa mu yaamari yo fi na bɔnsɔe mixie ma e xa serexedube wali raba.

¹⁵ Muxu naxan masenxi, a fiixe, barima serexedube gbete bara mini, naxan maniya

Melekisedeki ra, ¹⁶ naxan mu findixi serexedube ra a bonsœ xa fe ra. Na kanyi findixi serexedube ra, barima faxe mu nœ a ra. ¹⁷ Yi seedejoxœya bara raba a xa fe ra, «I findixi serexedube nan na abadan, Melekisedeki daaxi.»

¹⁸ Yaamari singe bara ba na a xa senbetareya xa fe ra, a mu nu nœma a xa wali rabade. ¹⁹ Na yaamari mu nœ fefe rakamalide, kœnœ fe neene bara mini won xaxili tima naxan na, naxan nœma won malide won makœrede Ala ra.

²⁰ Na fe neene mu tixi marakali xanbi. ²¹ Serexedube singee bara wali suxu marakali xanbi, kœnœ Isa nan findixi serexedube ra yi marakali ra Ala naxan masenxi, «Marigi bara a kali, a mu a xa nate masarama:

I tan nan findixi serexedube ra abadan.»

²² Na kui, Ala bara saate tongo won be Isa saabui ra, naxan fan boore be.

²³ Na xanbi, serexedube singee nu wuya, barima e to faxa, mixi gbetœe nu tima e jœxœ ra. ²⁴ Kœnœ Isa tan mu faxama, a buma ne abadan. A xa serexedubeja mu radangima mixi gbetœe ma. ²⁵ Na nan a toxi a nœma mixi rakiside naxan a makœrema Ala ra a tan saabui ra. A jipe to a ra, a nœma findide e xa saabui fanyi ra Ala yire abadan.

²⁶ Won hayi na na serexedube kuntigi mœoli nan ma naxan seniye, yunubi mu na naxan ma, naxan mu fe jaaxi yo kolon, naxan mu luma yunubitœe ya ma, naxan xa fe itexi dangife koore ra. ²⁷ Isa mu luma alo boore serexedube kuntigie, naxee lanma e xa serexe ba lœxœ yo lœxœ e xa yunubie xa fe ra, a nun jama xa yunubie xa fe ra. A tan bara a yete ba serexe ra kerenyi ra. ²⁸ Yaamari singe nu mixi senbetaree nan tima serexedube kuntigie ra, kœnœ na marakali neene naxan faxi na yaamari singe dangi xanbi, a bara Ala xa Di ti serexedube kuntigi ra, naxan bara ge kamalide abadan.

8

Ala xa saate neene

¹ Masenyi xunyi nan ya: Won ma serexedube kuntigi magoroxi Ala Xili Xungbe Kanyi xa kibanyi yirefanyi ma ariyanna kui. ² A walima Ala xa hœrœmœlingira yati yati nan kui, Marigi naxan tixi, adamadie belexe fœxi mu naxan na.

³ Serexedube kuntigi birin lanma a xa serexe mœoli birin ba Ala be. Na kui a nu lanma se nde xa lu yi serexedube fan yi ra a naxan bama serexe ra. ⁴ Xa won ma serexedube kuntigi nu na dunija nu, a mu nu findima serexedube ra nu, barima Ala xa yaamari pan bara mixi gbetœe ti na serexe wali ra.

⁵ Na mixie Ala batuma hōrōmōlingira nan kui, naxan misaalixi hōrōmōlingira ra naxan na ariyanna. Na nan a toxi Ala naxa Annabi Munsa yamari hōrōmōlingira tife ra, a falafe ra,

«A mato a fanyi ra,
i xa hōrōmōlingira ti
alo a masenxi i bē geya fari ki naxe.»

⁶ Kōnō yakōsi Ala xa Mixi Sugandixi bara wali sōtō naxan tide gbo boore sērēxēdubēe xa wali bē tife ra Ala nun adamadie tagi. A tide gbo barima a faxi saate naxan na, na fan saate fori bē. A xa saate mabanbanxi laayidie nan na, naxee fan dangi laayidi forie ra.

⁷ Xa na saate singe nu nōma a xa wali rabade nu, Ala mu fama a firin nde ra nu. ⁸ Ala naxa yi marakōrōsi raba pama ra,

«Marigi xa masenyi nan ya:
Waxati na fafe,
n saate nēene tongoma Isirayila nun Yudaya pama bē temui naxe.

⁹ Na mu luma alo na saate singe
n naxan tongo e benbae bē,
n e ramini Misira bōxi ra temui naxe.

E to n ma saate bēpin,
n fan naxa e bēpin.

Marigi xa masenyi nan na ki.

¹⁰ Saate nan ya n naxan tongoma Isirayila pama bē,
na waxati dangi xanbi.

Marigi xa masenyi nan ya:

N nan n ma seriye rasoma nē e xaxili kui,
n a sēbe e sondonyi ma.

N findima e Marigi Ala nan na,
e fan findi n ma pama ra.

¹¹ Mixi yo mu a boore matinkanma,
mixi yo mu a falama a ngaxakerenyi bē,

«I xa Ala kolon,»
barima na waxati e birin n kolonma nē,
kelife mixi xuri ma han mixi xungbe.

¹² N dijema ne e xa tinxintareya ma,
n e xa yunubie xafarima ne.»

¹³ A to yi saate xili fala saate neene, a bara boore findi saate fori ra. Saate fori tan
lanma a xa ba na, a tide mu na sonon.

9

Ala xa Mixi Sugandixi xa serexe

¹ Saate singe bun ma, yaamari ndee nu na batui xa fe ra, nun Ala xa horomolingira
xa fe ra, naxan nu na dunja. ² Na horomolingira to ti, yire nde nu na naxan nu xili yire
seniyenxi. Lanpui nu na a kui, a nun teebili serexe taami nu saxi naxan ma. ³ Yire
seniyenxi firin nde nu na dugi gbakuxi xanbi ra, naxan nu seniyen dangife boore ra. ⁴
Surayi ganse xeema daaxi nun saate kankira nu na na yire kui. Xeema nu saxi saate
kankira birin ma. Tonbili xeema daaxi mana nu ragataxi naxan kui, Haruna xa xuli naxan
fuga, a nun walaxee, saate sebexi naxee ma, e birin nu na na saate kankira kui. ⁵ Ala xa
maleke noroxi masolixi firinyi nu tixi saate kankira fari, e yunubi xafari yire makoto. A
mu lanma won xa so na woyenyi birin kui yakosi.

⁶ Na yire to ge yailande na ki, serexedubee nu luma so ra na yire seniyenxi singe
nan kui, e e xa wali raba naa. ⁷ Konso serexedube kuntigi nan gbansan nu noma sode na
yire seniyenxi firin nde kui. Ne yo je a nu soma naa sanmaya keren, a wuli xanin a xa
yunubie nun jama xa yunubie xa fe ra e naxan naba a kolontareya ma. ⁸ Na kui, Ala
Xaxili Seniyenxi nu wama a masenfe ne a yire naxan nu seniyen dangife yire birin na, a
menni mu nu rabixi mixie be na horomolingira singe xa waxati. ⁹ Na birin findixi misaali
nan na yi waxati mixie be. A a masenma a na serexe birin mu noma batulae xaxili
raseniyende. ¹⁰ Na yaamari singee, donse, minse, nun sali ye xa fe ra, e nu fixi mixie ma
e xa yunubie nan xa fe ra, han waxati neene fama temui naxe.

¹¹ Ala xa Mixi Sugandixi to findi won ma serexedube kuntigi ra, a bara fa heeri ra,
a naxan soto won be. A bara so Ala xa horomolingira fanyi kui, adamadi mu naxan
yailanxi yi bende fupi fari. ¹² Konso a mu so si kontonyi nun ninge wuli xa ra, a so na yire
seniyenxi fisamante kui a yete wuli nan na. A so ne kerenyi ra, barima na nu findixi
xunsare nan na adamadi be naxan mu jonma abadan. ¹³ Xa si kontonyi nun tura wuli, a
nun te xube naxan fatanxi ninge serexe ra a sa mixi seniyentaree ma, xa na fe mooli noma

mixi raseniyende nu, ¹⁴ Ala xa Mixi Sugandixi wuli mu dangima xe na ra? A naxa a yete ba serexe kamalixi ra Ala be, Ala Xaxili Seniyenxi xa yaamari bun ma, alako a xa won xaxili raseniyen wali jaaxie ma, naxee won faxama. A na raba ne won be alako won xa Ala Nipe batu.

¹⁵ Na kui, a bara findi saabui ra yi saate neene xa fe ra, mixi xilixie xa ke soto naxan buma abadan, alo a laayidixi e be ki naxe. A faxa na nan ma, a findi xunsare ra yunubie xa fe ra naxee rabaxi na saate fori xa waxati bun ma. ¹⁶ Saate naxan findi ke fe ra, na mu kamalima sinden, fo saate tongoma faxa. ¹⁷ Ke mu noma sotode beenun saatetongoe xa faxa. A mu sotoma saatetongoe baloxi temui naxe. ¹⁸ Na nan a toxi na saate singe mu tongoma wuli xanbi. ¹⁹ Annabi Munsa to Ala xa seriye masen jama be, a naxa ningee nun si kontonyie wuli tongo, a nun ye, a fa na kasan Kitaabui nun jama ma se nde ra naxan yailanxi hisopi burexe nun yexee xabe gbeeli ra, a fa a fala, a naxe, ²⁰ «Wuli nan ya naxan saate xirima wo nun Ala tagi.» ²¹ Annabi Munsa man naxa wuli kasan horomolingira ma, a nun horomolingira yirabase birin ma. ²² A seriye ki ma, fayida se birin naseniyenma wuli nan na. Yunubi mu xafarima wuli ifili xanbi.

²³ A nu lanma se naxee misaalixi fee ra ariyanna kui, e xa raseniyen serexee ra. Ariyanna xa maraseniyenxi rabama serexee nan na naxee fan booree be. ²⁴ Ala xa Mixi Sugandixi mu soxi horomolingira xa kui adamadie naxan yailanxi, naxan misaalixi horomolingira ra naxan na ariyanna. A so ariyanna yati nan kui, alako a xa won ma dentege sa Ala be. ²⁵ A mu soxi naa sanya wuyaxi, alo serexedube kuntigi naxan soma Ala xa horomolingira kui je yo je wuli nde ra, naxan mu findixi a gbe ra. ²⁶ Xa a nu na ki ne nu, Ala xa Mixi Sugandixi nu lanma ne a xa toro sanmaya wuyaxi kabi dunjia fole ra. Kono na mu a ra. Yakosi yi waxati donxoe, a naxa mini sanmaya keren, alako a xa yunubi xa fe kana a yete serexe saabui ra. ²⁷ Adamadie faxama ne sanya keren, e fa makiiti. ²⁸ Ala xa Mixi Sugandixi fan bara faxa sanmaya keren, alako a xa yunubi ba mixi gbegbe ma. A man fama ne a firin nde, kono na waxati a mu fama yunubie xa fe xa ra, a fama mixie nan be naxee xaxili tixi kisi ra.

10

Isa xa serexe

¹ Annabi Munsa xa seriye misaalixi fe fanyi nan na naxan fama fade. A findixi misaali gbansan nan na. Na nan a toxi a Annabi Munsa xa seriye mu noma Ala batulae

raseniyende kerenyi ra, na serexɛɛ saabui ra naxee bama ɲe yo ɲe. ² Xa a sa li a nu noma e raseniyende nu, mixie mu nu luma serexɛɛ ba ra temui birin, barima serexɛɛ keren gbansan nu noma e xa yunubi birin xafaride kerenyi ra, na yunubi xa fe maɲoxunyi yati mu luma e xunyi. ³ Kɔnɔ ɲe yo ɲe na serexɛɛ findima maratuse nan na mixie be a yunubie na e ma. ⁴ Tura nun si kontonyi wuli mu noma yunubie bade.

⁵ Na nan a toxi, Ala xa Mixi Sugandixi to so dunja, a naxa a masen Ala be,
«I mu wama serexɛɛ xɔn.

I mu wama hadiya xɔn.

I bara fate yailan n be.

⁶ I mu wama serexɛɛ gan daaxi xɔn ma,

i mu wama serexɛɛ yunubi xafari daaxi fan xɔn ma.

⁷ N naxa a masen, «N bara fa.

A sebexi n ma fe ra Kitaabui kui,

Ala, n na fafe i sago rabade.» »

⁸ Singe a naxa a masen,

«I mu wama serexɛɛ yo xɔn ma.

E mu rafan i ma.

I mu wama hadiya yo xɔn ma.

I mu wama serexɛɛ gan daaxi xɔn ma,

i mu wama serexɛɛ yunubi xafari daaxi fan xɔn ma.»

A nu bara na fala hali na yaamari to nu toma a xa seriye kui. ⁹ Na dangi xanbi, a bara a masen,

«Ala, n na be. N bara fa i sago rabade.»

Na kui, a naxa fe singe ba na, alako fe firin nde xa ti. ¹⁰ Na janige nan a niyaxi won naseniyenxi Ala xa Mixi Sugandixi Isa fate saabui ra, naxan baxi serexɛɛ ra kerenyi ra.

¹¹ Serexɛdube birin e xa wali rabama lɔxɔ yo lɔxɔ. E luma serexɛɛ ba ra naxee mu noma yunubie xafaride. ¹² Kɔnɔ Isa tan, a to ge serexɛɛ keren bade yunubie xa fe ra, a naxa a magoro Ala yirefany ma, a luma dennaxe abadan. ¹³ A na a mamefe a xa ti a yaxuie ma, ¹⁴ barima a bara mixie rakamali kerenyi ra, a naxee raseniyenxi a xa serexɛɛ kerenyi saabui ra.

¹⁵ Ala Xaxili Seniyenxi na tagi rabama won be yi masenyi ra. A singe, a naxa a masen,

¹⁶ «Saate nan ya n naxan tongoma Isirayila bɔnsɔɛ bɛ:

Na waxati na dangi,

n nan n ma seriye luma nɛ e bɔɲɛ ma,

n na sebema nɛ e sondonyi ma.»

¹⁷ A man naxa a masen,

«N mu ratuma e xa yunubie

nun e xa wali kobie ma sɔnɔn.»

¹⁸ Yunubi na gɛ xafaride temui naxɛ, sɛrɛxɛ mu bama na yunubi xa fɛ ra sɔnɔn.

¹⁹ N ngaxakerenyie, na kui won bara limaniya sɔtɔ sofe ra na yire seniyenxi fisamante kui Isa wuli saabui ra. ²⁰ Isa bara na kisi kira nɛnɛ rabi won bɛ, alako won xa dangi na dugi ra naxan gbakuxi hɔrɔmɔlingira kui a fate saabui ra. ²¹ Won ma sɛrɛxɛdube kuntigi to tixi Ala xa banxi xunyi ra, ²² won xa won makɔrɛ Ala ra bɔɲɛ fiixɛ nun danxaniya ra. Na danxaniya won nalimaniyama nɛ, barima won bɔɲɛ raseniyenxi won ma yunubie ma, won fate fan maxaxi ye tinse ra. ²³ Won xa won xaxili ti Ala ra tun nabɛxi kui, barima naxan laayidi tongoxi won bɛ, a mu nɔma na kanade. ²⁴ Won xa mɛɛni won bore ma, alako won xa won bore ralimaniya won xa lu xanunteya nun wali fanyi kui. ²⁵ Won naxa won ma malanyie rabolo de, alɔ ndee na a rabafe ki naxɛ. A lanma won xa won bore ralimaniya. Won to a kolon Ala xa lɔxɔɛ na fafe, won naxa tagan na ma.

²⁶ Xa a sa li, won Ala xa nɔndi kolon, kɔnɔ won man nu fa lu yunubi raba ra won panige ra, sɛrɛxɛ gbete mu na sɔnɔn naxan nɔma won ma yunubie xafaride, ²⁷ fo gaaxui xungbe Ala xa kiiti ya ra, naxan findima tɛ mankanɛ ra a matandilae bɛ. ²⁸ Xa mixi nde Annabi Munsa xa seriye matandi, e a faxama nɛ kinikinitareɲa kui, seede firin xa na mu a ra saxan xa seedeɲɔxɔya saabui ra. ²⁹ Kɔnɔ ɲaxankate dangima na tan na mixie bɛ, naxee Ala xa Di maboronma e sanyi ra, e a xa saate wuli rasɔtɔ naxan e raseniyenxi, e Ala Xaxili rasɔtɔma naxan hinnɛxi e ra. ³⁰ Won yi masen yi kanyi kolon,

«N tan nan mixi gbɛɲɔxɔma,

n tan nan e sare fima e ma.»

A man sɛbɛxi, «Marigi fama nɛ a xa ɲama makiitide.» ³¹ Ala ɲiɲɛ xa ɲaxankate magaaxu.

³² Wo xa ratu na lɔxɔɛ singee ma. Wo to naiyalanyi to, wo naxa wo tun nabɛxi gere xɔrɔxɔɛ kui naxan findixi tɔɔrɛ ra wo bɛ. ³³ E naxa wo konbi, e naxa wo ɲaxankata ɲama ya xɔri. Wo fan naxa lu mixie sɛɛti ma, naxee bara na tɔɔrɛ mɔoli sɔtɔ. ³⁴ Wo naxa

kinikini geelimanie ma, wo naxa tin a ra sɛɛwɛ kui e xa wo harige ba wo yi ra, barima wo a kolon harige nde na wo be naxan dangi na boore ra pon, a bu abadan.

³⁵ Wo naxa fe rabolo, wo xaxili tixi naxan na, barima na sare gbo. ³⁶ Wo hayi na tunnabexi ma, alako wo xa Ala sago rakamali, wo fa fe soto a naxan laayidixi wo be. ³⁷

A seɓexi,

«A gbe mu luxi sɔnɔn.

Naxan lanma a xa fa, a fama nɛ,
a mu dugundima.

³⁸ N ma tinxintɔɛ kisima nɛ danxaniya saabui ra.

Kɔnɔ xa a sa li a man naxa gbilen xanbi,
n mu jɛlexinma a xa fe ra.»

³⁹ Won mu findixi fe rabɛɲinyie xa ra, naxee xa fe xun nakanama. Won tan findixi danxaniyatɔɛɛ nan na, naxee kisima.

11

Danxaniya

¹ Danxaniya kanyi, a a xaxili tima fe nde ra a laxi naxan na. Hali a mu na fe toma a ya ra, a a kolon nɔndi nan a ra. ² Won benbae xili fanyi soto na nan ma.

³ Danxaniya saabui ra, won a kolon a Ala nan dunja daaxi a xa masenyi ra. Se naxan toma naa a fatanxi fe nan na naxan mu toma.

⁴ Danxaniya saabui ra, Habila naxa sɛrɛxɛ ba Ala be naxan nu fan dangife Kabila gbe ra. Ala naxa na sɛrɛxɛ suxu, a Habila findi tinxintɔɛ ra a xa danxaniya saabui ra. Hali Habila to faxaxi, a naxan nabaxi danxaniya ra na findima nɛ masenyi ra won be.

⁵ Danxaniya saabui ra, Enoki naxa te koore ma, a mu faxa. Mixi yo mu nɔ a tode, barima Ala nu bara a rate koore ma. Beenun a xa te, Ala nu bara a masen a Enoki rafan a ma. ⁶ Mixi mu nɔma rafande Ala ma danxaniya xanbi. Mixi naxan a makɔrema Ala ra, a lanma a xa la a ra a Ala na na, a nun a xa la a ra a Ala mixie nan sare fima naxee a fenma.

⁷ Danxaniya saabui ra, Nuha naxa kunkui banban alako a xa denbaya xa kisi. Ala nu bara banbaranyi xa fe fala a be beenun a xa dunja li. Nuha nu gaaxu Ala ya ra. A xa danxaniya a masenma kiiti bara kana dunja be. Nuha naxa tinxinyi soto ke ra a xa danxaniya saabui ra.

⁸ Danxaniya saabui ra, Iburahima naxa Ala xui ratinme sigafe ra boxi ma a mu dennaxan kolon, alako a xa menni soto ke ra. ⁹ Danxaniya saabui ra, Iburahima naxa sabati na boxi ma, Ala nu bara naxan laayidi a be. A naxa lu menni alo xone a xa kiri banxie kui, alo Isiyaga nun Yaxuba, naxee findixi na ketongoe ra. ¹⁰ A nu na a mamefe a xa taa senbema soto, Ala taa naxan korinxi, a a ti.

¹¹ Danxaniya saabui ra, Sara dibarire fan naxa no di baride jexexorija kui, barima a nu laxi a ra a Ala mu a xa laayidi kanama. ¹² Na nan a to, xeme keren saabui ra, xemoxi naxan mu nu noma di sotide sonon, na naxa bonsoe xungbe soto, «naxan xasabi maniyaxi tunbuie xasabi ra naxee na koore ma, a nun meyenyi xasabi ra naxan na baa de ra. E konti mu noma kolonde.»

¹³ Yi mixie bara faxe e xa danxaniya kui, e mu fee soto naxee nu laayidixi e be. E nu laxi a ra a fanyi ra, a na laayidie mu kanama. E nu a kolon a e findixi «xone nan na dunija bende fupi fari.» ¹⁴ Mixi naxee na fe molie falama, e a masenfe ne a e na taa gbete fenfe e sabatima dennaxe. ¹⁵ Xa e kelide xoli nu bara e suxu nu, e nu noma gbilende naa. ¹⁶ Kono e nu taa gbete fenma naxan fan e kelide be, taa naxan na ariyanna. Na kui, Ala mu yaagixi e ra, e xa a xili e Marigi Ala, barima a nu bara taa yailan e be.

¹⁷ Danxaniya saabui ra, Iburahima mu tondi Isiyaga bade serexe ra, Ala nu a matoma temui naxe. A mu tondi a xa di kerenyi bade serexe ra, di naxan nu laayidixi a be, ¹⁸ Ala nu bara a fala naxan ma fe ra,

«Isiyaga nan findima i bonsoe ra,
i xili luma naxan xun ma.»

¹⁹ Iburahima nu a kolon a Ala senbe gbo, hali Isiyaga faxe, a nu noma na rakelide faxe ma. Fayida na nan naba misaali ra, barima Ala a xa di ragbilen ne a ma.

²⁰ Danxaniya saabui ra, Isiyaga naxa duba Yaxuba nun Esayu be e xa simaya xa fe ra.

²¹ Danxaniya saabui ra, Yaxuba naxa duba Yusufu xa die be, a nu luxi dondoronti a xa faxe. A naxa Ala batu, a yi masuxuxi a xa xuli ra.

²² Danxaniya saabui ra, Yusufu naxa masenyi ti a xa saya makore, a lanma e xa naxan naba a fure ra Isirayilakae minima Misira boxi ra temui naxe.

²³ Danxaniya saabui ra, Munsa to bari, a barimae naxa a noxun kike saxan bun ma a xa tofanyi xa fe ra, e mu gaaxu mange xa yaamari ya ra. ²⁴ Danxaniya saabui ra, Munsa to mo, a naxa tondi findide Firawuna xa di gine xa di ra. ²⁵ A naxa wa a xon ma,

a xa tɔɔrɛ sɔtɔ Ala xa pama ya ma, dine a xa jɛlexin yunubi ra waxati dunkedi bun ma.²⁶ A bara a kolon Ala xa Mixi Sugandixi xa magore nan fan dangi Misira naafuli ra. A nu sare matoma a fama naxan sɔtɔde yare.²⁷ Danxaniya saabui ra, Munsa naxa keli Misira bɔxi ma, a mu gaaxu Firawuna xa xɔnɛ ya ra. A naxa a tun nabexi, barima a nu gaaxuxi Ala nan ya ra, naxan mu toma.²⁸ Danxaniya saabui ra, Munsa naxa Sayamaleke Dangi Sali raba, a wuli kasan naadeɛ ma, alako sayamaleke naxa Isirayilakae xa di singee faxa.

²⁹ Danxaniya saabui ra, Isirayilakae naxa Xulunyumi baa igiri a xaraxi ra. Misirakae to bira e fɔxɔ ra, e naxa madula ye xɔɔra.

³⁰ Danxaniya saabui ra, Yeriko tete naxa bira a yete ra, Isirayilakae to ge a rabilinde xi solofere bun ma.

³¹ Danxaniya saabui ra, langoe gine Raxabi naxa kisi kaafirie ya ma, barima a nu bara Isirayilaka yire rabenyie yigiya a fanyi ra.

³² N munse sama na fari sɔnɔn? Waxati mu luma n be n xa Gedeyon, Baraki, Samison, Yefite, Dawuda, Samuweli, nun namijɔnmɛɛ xa fee fala.³³ Danxaniya saabui ra, e naxa nɔ mangataae ra, e naxa jɛrɛ tinxinyi kui, e naxa fe laayidixi sɔtɔ, e naxa nɔ yete xaapɛɛ ra,³⁴ e naxa ratanga tɛ xungbe nun santidegema ma, e xa senbetareya naxa findi senbe ra, e naxa senbe sɔtɔ gere kui, e fa sɔɔri galie keri.³⁵ Gine ndee naxa e ngaxakerenyi faxaxie to, naxee rakelixa faxe ma. Mixi ndee naxa paxankata, e tondi minide na tɔɔrɛ kui, alako e xa marakeli fanyi sɔtɔ.³⁶ Mixi ndee naxa bɔnbɔ, e mayele sɔtɔ, e lu geeli kui, e xirixi yɔlɔnxɔnyi ra.³⁷ Mixi ndee naxa magɔnɔ, e naxa tɔɔrɔ, e naxa a ibolon, e naxa faxa santidegema ra. Ndee naxa lintan, yɛxɛɛ nun si kiri ragoroxi e ma, se birin baxi e yi ra, e paxankataxi, e halakixi,³⁸ e nu fa lintan gbengberenyi ma, geyae longori ra, fɔnmɛɛ nun yilie kui. A mu nu lanma dunja mixie xa na binye sɔtɔ na danxaniyatɔɛɛ xa lu e ya ma.³⁹ Na mixi naxan birin xili fanyi sɔtɔ e xa danxaniya saabui ra, e mu fee sɔtɔ naxee nu laayidixi e be.⁴⁰ Ala mu tin e xa fe xa kamali won xanbi. A bara fe fanyi janige won be naxan dangi fe singe ra.

12

Tunnabexi

¹ Na danxaniyatɔɛ gali, naxee bara e xa danxaniya masen dunja be, e man xa findi misaali ra won be. Won xa fe birin nun yunubi birin nabolo naxan won tɔɔrɔma

won ma jere kui. Won xa won gi tun nabexi ra kira xon ma Ala naxan saxi won ya ra. ² Won xa won ya ti Isa ra, naxan danxaniya kira rabixi won be, naxan fama won ma danxaniya rakamalide. Isa tin ne wuri magalanbuxi xa tɔɔre ra, alako a xa seewa yare. A mu gaaxu na yaagi ra. Na kui, a xa faxe dangi xanbi, a naxa a magoro Ala xa kibanyi yirefanyi ma.

³ Wo xa ratu a xa misaali ma, a tɔɔrɔxi ki naxe yunubitɔee saabui ra, alako wo naxa tagan, limaniya naxa ba wo yi ra. ⁴ Wo mu yunubi gerexi sinden, han wo wuli xa mini. ⁵ Wo tan, Ala xa die, wo bara neemu Ala xa masenyi ma wo ralimaniyaxi naxan na, a falafe ra,

«N ma di, i naxa yo Marigi xa marakɔɔsi ma,
limaniya naxa ba i yi ra, a i xuruma temui naxe.

⁶ Marigi a xanuntenyi nan xuruma.

A naxee birin kolonxi a xa die ra, a e jaxankata.»

⁷ Wo xa tin na ra, barima Ala na wo xurufe ne alo a xa die. Di mundun na, naxan baba mu a xuruma? ⁸ Xa Ala mu wo xuruma, alo di birin xuruma ki naxe, a luxi ne alo wo mu findixi a xa die ra, a lima a halale mu wo ra. ⁹ Won babae won xuruma dunija, won fan e binya. A mu lanma won xa tin a ra, Baba Ala naxan na ariyanna, a xa won xuru alako won xa kisi? ¹⁰ Won babae nu won xuruma waxati di nan bun ma e yete xaxili ra, kɔnɔ Ala tan won xuruma won ma munafanyi yati nan ma fe ra, alako won xa lu Ala xa seniyenyi kui. ¹¹ Na xurui xɔɔxɔ, a mu mixi raseewama a fɔle, kɔnɔ a dɔnxɔe ra, a fɔxi tinxinxi raminima ne yare bɔjesa kui.

¹² Na na a ra, wo xa wo senbe so, wo tan naxee belexee taganxi, naxee xinbi tɔɔrɔxi. ¹³ Wo xa wo jere kira tinxinxi xon ma, alako mabenye naxa telexun, e xa yalan. ¹⁴ Lanyi xa lu wo nun mixie tagi. Wo xa lu seniyenyi kui, xa na mu a ra wo mu Marigi toma. ¹⁵ Wo xa meeni wo bore ma, alako mixi yo naxa mini Ala xa hinne kui. Wo naxa lu xɔnɔ ra wo bore ma, na fa mixi gbegbe tɔɔrɔ wo ya ma. ¹⁶ Wo meeni de! Wo naxa yene raba. Wo naxa seriye kana alo Esayu, naxan a xa forija tide masaraxi bande lenge keren xa fe ra. ¹⁷ Wo a kolon a to nu waxi a baba xa duba a be, a xa forija ke sɔɔ, a baba naxa tondi. Esayu naxa a mayandi yaye ra, kɔnɔ a baba mu tin na ra.

¹⁸ Wo mu wo makore na yire ra wo xa wo belexe din a ra alo Isirayilakae fe naxan to gbengberenyi ma. Te nun nuxui fɔɔre nu na geya fari dennaxe, foye xungbe nu bonbo a ra. ¹⁹ Wo mu sara xui nun Ala xui magaaxui mexi. Isirayilakae to na me, e naxa Munsa

mayandi alako e naxa na xui me sɔnɔn. ²⁰ E naxa gaaxu Ala xa yaamari ya ra, «Mixi nun sube yo din yi geya ra, na kanyi fama ne magonɔde, a faxa.» ²¹ Na fe nu magaaxu han Annabi Munsa naxa a fala, «N bara gaaxu han n bara seren.»

²² Kɔnɔ wo tan bara wo maso Siyoni geya yire ra, Ala Nije xa taa naxan na ariyanna, Darisalamu naxan na koore ma, maleke wulu wulu malanxi dennaxe seewe kui. ²³ Ala xa pama fan na na, naxee xili sebexi buki kui ariyanna. E findixi Ala xa di singee nan na. Dunija Makiitima Ala na menni ne, a nun tinxintɔe nii naxee xa fe bara kamali. ²⁴ Isa fan na naa, naxan bara findi saabui ra saate neene rakamalife ra, naxan wuli bara findi serexe ra. Na fan dangi Habila gbe serexe ra.

²⁵ Wo naxa tondi Ala xa masenyi ra. Mixi naxee tixi dunija bende fupi fari, e to tondi na masenyi ra, e naxa jaxankate sɔtɔ. Yakɔsi, won munse sɔtɔma sɔnɔn xa a sa li won tondima masenyi ra, naxan fatanxi Ala yati yati ra naxan na koore ma? ²⁶ Singe Ala xui naxa bɔxi raseren, kɔnɔ yakɔsi a bara laayidi tongo, «N man bɔxi raserenma ne, kɔnɔ yi biyaasi n koore fan naserenma ne.» ²⁷ A to a fala, «n man,» na nu wama a masenfe ne a se daaxi birin naserenma ne, a fa kana. Fe naxan mu raserenma, na nan luma, a mu kana. ²⁸ Won fama lude mangeya niini naxan bun ma, na tan mu serenma, na mu kanama. Na kui, won xa Ala tantu, won xa a batu yaragaaxui nun binye ra a wama naxan xɔn, ²⁹ barima won Marigi Ala luxi ne alo te naxan se birin ganma.

13

Marasi danxaniyatɔee be

¹ Wo xa wo tun nabexi wo bore maxanufe ra ngaxakerenya kui. ² Wo xa xɔɔe rasene a fanyi ra. Mixi ndee xɔɔe yigiyama ne, a fa sa li e mu a kolon xa maleke na a ra. ³ Wo xa ratu geelimanie ma nun mixie ma naxee jaxankataxi. Wo xa fe fanyi raba e be alo wo birin na fate bende keren nan kui.

⁴ Wo birin xa futi binya. Yene nun langoepa naxa lu wo ya ma, barima Ala fama ne na seniyentarepa makiitide. ⁵ Wo naxa a lu kɔbiri xa fe mile xa wo rapere. Naxan na wo yi, wo xa wo wasa so ne. Ala yati naxa a masen, «N mu i rabepinma, n mu i raboloma.» ⁶ Na nan a toxi won nɔma a falade limaniya ra, «N Marigi n demenma, n mu gaaxuma. Adama tan nɔma munse rabade n na kɔre?» ⁷ Wo xa ratu wo xa yareratie ma, naxee bara Ala xa masenyi masen wo be. Wo xa e jere ki mato, e xa danxaniya xa findi misaali ra wo be.

⁸ Ala xa Mixi Sugandixi Isa mu masarama. A nu na ki naxe xoro, a man na na ki ne to, a man luma na ki ne abadan, na birin keja keren. ⁹ Wo naxa bira xaranyi mooli gbetee foxo ra. Wo boje xa senbe so Ala xa hinne saabui ra. Yaamarie, donse raharamuxie xa fe ra, nee mu noma wo malide. ¹⁰ Horomolingira walikée mu noma serexe donde naxan baxi won tan be. ¹¹ Serexedube kuntigi xuruse wuli bama ne serexe ra horomolingira kui yunubie xa fe ra, konon na xuruse fate tan ganma ne taa fari ma. ¹² Na nan a toxi, Isa fan to wa pama raseniye nfe a yete wuli saabui ra, a naxa paxankata taa fari ma. ¹³ Won fan xa bira a foxo ra na yaagi kui taa fari ma, ¹⁴ barima won na taa naxan kui, a mu buma. Won taa nan fenfe naxan fama fade.

¹⁵ Won xa tantui fi Ala ma serexe ra temui birin Isa saabui ra. Na serexe findima won ma masenyi nan na naxan a xili matoxoma. ¹⁶ Wo man naxa neemu fe fanyie rabade mixie be. Wo xa wo booree ki, barima na fe moolie findima serexee nan na naxee rafanxi Ala ma. ¹⁷ Wo xa wo xa yareratie xui ratinme, wo xa e xa yaamarie suxu, barima e na meenife wo ma, alako wo naxa gbilen Ala foxo ra, xa na mu a ra na dentege sa fama ne e toorde. Wo xa fe birin naba alako e xa nona dentege sade seewe kui boje mawa xanbi, barima na nan findima wo xa munafanyi ra.

¹⁸ Wo xa Ala maxandi muxu be, barima muxu a kolon muxu xaxili fiixe, muxu wama jerefe fe fanyi mooli birin nan kui. ¹⁹ Wo man xa Ala maxandi muxu be, alako na xa nona gbilende wo yire mafuren mafuren.

²⁰ Ala naxan bojesa fima mixi ma, Ala naxan won Marigi Isa rakeli faxe ma, Isa naxan meenima a xa mixie ma a xa saate wuli saabui ra, saate naxan mu kanama abadan, ²¹ Ala xa feere birin fi wo ma alako wo xa nona sago rabade. Ala xa fe lu won boje ma naxan nafa na ma a xa Mixi Sugandixi Isa saabui ra. Matoxoe na a be abadan. Amina.

²² N ngaxakerenyie, wo xa wo haake to na be yi masenyi xa fe ra, barima na mu woyenyi xonkuyaxi a gbe ra. ²³ Wo xa a kolon won ngaxakerenyi Timote bara a yete soto. Xa a mu bu fade, muxu birin fama ne wo yire. ²⁴ Wo xa wo xa yareratie nun seniyentoe birin xeebu muxu be. Italikae naxee na be, e fan bara wo xeebu. ²⁵ Ala xa hinne wo birin na.